

# Bibel fa Kjinja brinjt junt



## Een Maun von Gott jeschekjt



Jeschräwen von: Edward Hughes  
Jemolt von: Alastair Paterson un Byron Unger un  
Lazarus  
Toom Pauss jestalt von: E. Frischbutter un Sarah S.  
Äwasat von: Ed Zacharias  
Häajestalt von: Bible for Children  
[www.M1914.org](http://www.M1914.org)

BFC  
PO Box 3  
Winnipeg, MB R3C 2G1  
Canada

©2022 Bible for Children, Inc.

Jesazlich: Du doascht dise Jeschicht oppnämen ooda drekjen,  
soo lang aus du dee nich vekjafst.


1

Een Dach brend een oola Priesta,  
Zacharias, en Gott sien Tempel daut  
Weiruak. Buten bäden de Menschen.  
Met eenmol flautad Zacharias.



2

Een Enjel stunt doa ver am, un säd, "Fercht die nich! Gott haft mie jeschekjt. Diene Fru woat een Junkje haben. Nan am Johannes.



3

Hee woat von kjlien opp met däm Heiljen Jeist jefelt sennen. Hee woat väle halpen sikj no Gott kjieren."



4

"Zacharias, saj mol waut." De Menschen buten vestunden daut nich. See wisten nich daut de Enjel Gabriel to Zacharias jesajcht haud, daut hee wudd nich räden kjennen, bat daut Junkje kjlien wia, wiels hee haud daut nich jeleeft.

Hee docht siene Fru wia too oolt toom een Bäbe haben.



5

Tus schreef Zacharias dol waut de Enjel jesajcht haud. Siene Fru Elisabet wundad sikj. See hauden emma fa een Bäbe jebät. Wudd daut nu woaren?



6

Boolt wist Elisabet daut see wudden een Bäbe haben. See dankt Gott. Een Dach kjeem Elisabet äare Nicht, Maria, ar besieekjen. Maria sull uk een Bäbe haben.



7

Aus Maria aankjeem, feeld Elisabet daut äa Bäbe sikj rieed. De Heilja Jeist kjeem no Elisabet. See wist daut Maria äa Bäbe wudd de Har Jesus Christus sennen. De twee Frues dankten Gott toop.



8



Soo aus Gott vesproaken haud, soo kjrieech Elisabet een Junkje. "Nan am Zacharias, soo aus sien Pape," säden de aundre Priesta. Zacharias behilt waut Gott haben wull. "Nä, daut Junkje heet Johanes." Aus Zacharias dee Wieed hanschreef, kunn hee wada räden. Dan dankt hee Gott.

9




Aus Johanes oppwoss wia hee soo aus Elija, Gott sien groota Profeet. Johanes säd de Lied daut de Messias komen wudd un an säajnen. De Leidasch von de Juden wia daut jääjenaun daut Johanes säd, "Kjiheet om! Doot nich Sind." See wullen nich von ääre Sind hieren.

10



Aundre nanden Johanes, een Deepa, wiels hee deepst de Menschen toom wiesen daut an ääre Sind leet wia. Een Dach kjeem Jesus no Johanes toom jedeepst woaren. "Du sust mie deepen," säd Johanes. Oba Jesus säd, "Doo daut mau." Un Johanes deepst Jesus.

11



Aus Jesus jedeepst wia sach Johanes dän Heiljen Jeist, soo aus en eene Duw, opp Jesus komen. Dit wia Gott sien Tieekjen. Johanes wist daut Jesus Gott sien Sän wia. Johanes säd Jesus wia Gott sien Laum, daut de Sind von de Welt wajchnemt.

12




Johanes holp väle Menschen no Gott komen. Oba Herodes, de beesa Gowernia, stopt Johanes en. "Daut es Sind daut du dien Brooda siene Fru, Herodias, fa die jenomen hast," säd Johanes. Herodes wist dautwia soo. Hee wist Johanes wia Gott sien Deena, een jerajchta un heilja Maun. Oba hee wull de Sind nich oppjäwen. Un Johanes hieed nich opp jääjen Sind to räden, wan daut uk meend daut hee enjestopt wort.

13



Herodes haud väl Jast to sien Jeburtsdach. Herodias ääre Dochta daunst fa am. Herodes jleicht daut sea. "Du kaust irjentwaut haben waut du west," vespruak hee, "bat de Halft von mien Kjennich-rikj."

14



De Dochta wundad, "No waut saul ekj froagen?" Äare Mutta Herodias haust Johanes, un säd no waut see froagen sull. Daut wia sea groff.

15

"Jeff mie däm Deepa Johanes sien Kopp opp eene Schiew," säd de Mejal to Herodes. Nu wia am daut schod waut hee vesproaken haud, oba hee wia too stolt daut trigj to nämen. Hee säd, "Schniet Johanes sien Kopp auf un brinj daut häa." Siene Soldoten deeden daut.



16

Johanes siene Frind wieren truarich aus see sien Kjarpa begrowden. Johanes wia soo brow un tru jewast. Johanes siene Oabeit fa Gott wia nu foadich. Veleicht wisten see daut Jesus an treesten wudd.



17

Een Maun von Gott jeschekjt

Eene Jeschicht von en daut Wuat Gottes, de Bibel

finjt eena en

Markus 6, Lukas 1, 3

"Wan dien Wuat openboat woat, jeft daut Licht." Psalm 119:130

18

Daut Enj

37



60

19

Dise Biblische Jeschicht sajcht ons von onsen wundascheenen Gott, see ons jemoakt haft un ons well kjanenlieren.

Gott weet daut wie schljachtet jedonen haben, waut hee Sind nant. De Strof fa Sind es de Doot, oba Gott siene Leew fa ons es soo groot, daut hee sienen eensjen Sän, Jesus, schekjt, daut hee aum Kjriez stoawen sull un de Strof fa onse Sind nämen sull. Dan stunt Jesus vom Doot opp, un fua no sien Tus em Himmell! Wan du dän Gloowen aun Jesus hast, un am frajchst diene Sind to vejäwen, dan deit hee daut! Hee kjemt dan un läft en die, un du wascht opp emma met am läwen.

Wan du dit jleewen kaust, dan saj to Gott: Leewa Jesus, ekj jleew daut du Gott best, un worscht een Mensch toom fa onse Sind to stoawen, un daut du nu wada läfst. Komm en mien Läwen un vejeff mie miene Sinden, soo daut ekj nu niet Läwen haben kaun, un noch emol opp emma no die kom. Halp mie daut ekj die jehuarsom sie, un fa die läw aus dien Kjint. Amen.

Lass de Bibel un räd jieda Dach met Gott! Joh. 3:16

20